

KITA

Ridhwan Arif Syahmi Bin Zabidi

1202909

Universiti Sains Islam Malaysia

Bebas ,
kita memang bebas ,
tiada keterbatasan ,
dalam bersuara ,
tiada sempadan ,
dalam menterjemah rasa ,
Tiada bendungan ,
dalam berdendam melihat bangsa ,
dan kita fikir ,
sememangnya kita berhak untuk Ada .

Sudah berapa lama kita berbahasa ,
sudah berapa abad kita berbudaya ,
sudah berapa penjajah kita bersama ,
tapi,
masih longgar akrab kita ,
masih jurang pemikiran kita ,
masih kosong jiwa Bangsa malaysia .

Kalau penuh , tidak bendera bintangnya di bawah .
kalau padat , tiada melaung manusia di darat ,
kalau rapat , tidak bahasa dan sejarahnya di merempat .

Sejujurnya ,
kita punya pilihan,
menjadi Jebat ,
si penderhaka ,
tetapi berjuang untuk maruah ahli baitnya ,
atau ,
menjadi Tuah ,
si taat setia menurut perintah ,
menghulur tengkuknya walau dia tak salah ,
atau ,
Juga Tun Aman
penuh jiwanya berkobar keadilan ,
walau bukan maruahnya yang berdarah ,
namun baginya yang salah tetap salah .

Jangan sekali kau salahkan mereka ,
langkah kakinya benar belaka ,
cuma tafsiran akal kita akhirnya .
menentukan kita di jalan yang mana .